

臨晉縣志

卷六

卷七



臨
邑
縣
志

盧江王正茂纂著

本衙藏板



雜記叙

有篇有傳矣昌先禮曰事

有籍見而不相屬者不能

篇也人有道能而未之詳

者不能傳也於是乎記以存

之記之例不一或簡或繁或

臨晉縣志

俗或雜或信或疑類不類

而錄之故曰雜也由詳而擇

由擇而精以俟後之君子或

曰記云雜矣分上下何為曰

言之所同今之所見福世者

不可以量別爾雜而不聚



予未之逮也而有志焉

臨晉縣志



一

廬江王正茂纂著

受業太谷杜昌炎

陽城李一謹

全訂

山西通志臨虞今古分合辨

節錄周景柱蒲州府志

地表三條 沿革四條 山川四條

古蹟四條 風俗一條 兵衛一條

宦績三條 孝友六人 貞節十九人

寓賢一人 事紀四條 志餘二條

臨晉縣志

雜記上目次

卷六

一

節錄荆養喬舊志

山川三條 古蹟一條 人物六人

貞節二人

節錄王恭先舊志

沿革三條 星野一條 形勝三條

屯營一條 田賦一條 古蹟二條

災祥全錄 藝文六條 建置一條

貞節九人

山西通志臨虞今古分合辨

虞鄉在唐虞夏商皆屬畿內春秋屬解梁奄有桑泉

等地戰國屬魏漢置解縣屬河東郡魏正始晉太康

皆名解以司州領之後魏太和元年曰安定西魏大

統十一年改分南解北解南解有桑泉城

見魏書註

又改

緩化又曰虞鄉有石錐山百梯山百徑山

見隋書註

北解

有張揚城

見魏書註

尋廢隋開皇十六年置桑泉有三巖

山

見隋書註

北面併今猗氏之半又別置虞州兼得今安

臨晉縣志

雜記上

卷六

一

邑地有鹽池銀冶至大業初州廢

見隋書註

又改南解為

虞鄉義寧元年虞鄉屬安邑郡唐武德元年更虞鄉

為解縣屬虞州而於解西五十里別置虞鄉縣

即元廢縣

後之虞鄉鎮也

三年析桑泉置溫泉縣九年省入桑泉貞觀

十七年廢虞州省解入虞鄉有鹽池女鹽池紫泉監

三十二年復以地入解天授二年復析解縣置虞鄉

北十五里有涑水渠渠即貞觀十七年刺史薛萬徹

開自聞喜引入下臨晉者也

見唐書註

五代至宋金惟周

世宗二年於河北復置虞州餘皆名虞鄉元世祖至

元二年乃省虞鄉入臨晉按虞鄉名始於西魏

見隋書註

屬虞州者前後止數十年而漢後隋前皆屬河東唐

龍郡為州屬蒲州宋金元屬河中府明屬平陽府蒲

州臨晉名始於天寶十三載前此與虞鄉或分或合

其北解故城在今臨晉東南城東城西兩村之間非

今解州治也

見鄆為觀
即城考

惟南解昔人所指各別考解

州舊志南解管至虞鄉鎮即今虞鄉縣是也臨晉舊

志虞鄉在臨晉西南三十里五姓村北之古城即古

解梁地也郭為觀則謂在鄉頭村即今涑水南逕處

臨晉縣志

雜記上

卷六

二

也意鄉頭五姓以及元虞鄉鎮皆古南解所轄乎抑

五姓湖即張揚地臨晉舊志引括地志云張揚城一

名東張城在蒲州虞鄉縣西北四十里則五姓湖尚

亦北解所轄乎春秋桑泉故城在今臨晉東北與魏

桑泉城隋桑泉城亦未可混為一隋桑泉即北解故

城是也自省虞鄉入臨晉幾五百年今以涑水姚渠

中隔微輸不便是以有復設虞鄉之議其管以涑河

為界屬蒲州府自猗氏初任智光以西臨晉五姓村

以南沿河如東西渠下東西鄉頭大小姚村楊村薄

落頭等利以南直達條山之陰皆隸虞鄉其餘河外各村皆隸臨晉天成界書良規不易矣

節錄周景柱蒲州府志

張國名記云古揮之封或云黃帝臣張若封王符云今河東有東張城西張城至晉為大夫張之邑

國名記云唐叔後今河中臨晉縣東南故解城在桑泉之南虞鄉東北十里

解城九解體名解有瑕城而左傳雒與瑕並舉

亦近在郇城桑泉間

臨晉有二其見於秦漢之書者在城西

臨晉縣志 卷六

引舊說秦築高臺以臨晉國故曰臨晉

秦史記魏晉則故大荔地秦所取者便信賦渡臨晉而稱

船正指其地漢置臨晉縣在左馮

置臨晉宋白云天寶之更

晉水之說以為未可非則

桑泉哉或又引地理通釋

臨晉亦仍屬馮翊通志引

魏晉書桑泉拔我蒲坂陽晉

地志晉陽故城

亦未然也

鄭註瑕城在故解城東北二十四里猗氏故城西北俗名郟城郭為觀據此以辨且謂北解在今臨晉城東城西兩村之間南解在鄉頭村去郟城西南二十餘里按郟城在猗氏南二十里隋大業九年廢與郟伯故城似屬兩地左傳郟瑕每分舉而諸大夫皆曰必居郟瑕氏之地則連及之按其里道疑亦不相遠也猗氏故城應在郟城東南郭為觀謂應在解安之交乃今解非古解也但杜釋地云今解西北有郟城

臨晉縣志

雜記上

卷六

四

又曰猗氏縣東北有瑕城服虔曰郟國在解縣東解東解西二說不符意晉時解之東境所轄甚廣西北二字第據一境而言耳晉誌註解謂有鹽池今池東西共一百二十里地形可據至服虔所云在解縣東則無論南北解皆屬東境此無可疑者鄉頭去城東城西兩村約二十五里城東城西在今涑河北鄉頭在涑河南古令狐在今猗氏之西北隅春秋桑泉故城在今臨晉東北隅後漢解有桑泉城杜註在解西二十里後魏南解有桑泉城疑皆在臨晉而西魏文

久廢其南為夾馬口渡

秦界今之臨猗

貫底橋在臨晉縣東南二十里條官白袁即此據晉

涑水橋在臨晉鄉頭村明洪武十六也應屬分之處

以石建

涑水渠舊在蒲州東三十里唐貞觀中韓光基等至

所開於虞鄉縣北十五里穿渠自開城條奏分設虞

晉考桑欽水經涑水出河東聞喜縣城上去臨晉僅

謂之華谷其故道自安邑以入潞氏侯鄉鎮臣等竊

村折而南又折而東南經水河孫嵩請即以涑水河

臨晉縣志

卷六

五

南歷楚侯王鎮諸村又曰北村莊歸臨晉

南扶諸村自此又曰南在臨晉一鄉二十四里

渠分南北流並入五姓湖由永濟縣國朝雍正三

司解鹽者慮涑水浸敗鹽池自此相攻虞鄉以涑水

引使北行經三里高頭原頭水南香前後四所仍隸

灣復折而南至臨晉於是涑水始與東西今以夏吳

弘治十六年巡鹽曾大有復自崔灣晉遊屬之臨晉

益引而西經初任智先諸村至蒲州民便也

以上沿
華四條

水所經注多資灌溉明隆萬中屢修此設以司今

河以口桑泉隋桑泉有三疑山則又

一邑矣白城後漢亦屬解晉文公取路通衢

在預註在縣東南是謂在解縣東南年縣主簿章琛

至三八年分臨晉置虞鄉遣刑部侍郎刺史薛萬徹

蒲相慶地宜光基奏據原任侍郎王善引涑水至臨

鄉縣於坡上地方山西撫臣石麟以黍葭谷水經注

下餘里請設虞鄉縣於涑水河之經鳴條岡李漢

以臨北虞南中隔一水寔天成之界諸村又折而西

臨晉縣志

雜記上

卷六

六

為兩縣交界元河南村庄歸虞鄉河上庄及解州之

統計臨晉應分四十一里虞鄉應分頭諸村與姚邊

明時平陽衛所屯營有五舊隸臨晉達於黃河元時

年裁衛三年以衛隸臨晉縣八年分鎮西北開新道

為界右所在涑水南分尉虞鄉中左落諸村至崔家

臨晉明故晉府羣牧十三營本散列姚邊渠合矣明

浪店夾馬口下馬營在西北臨與臨浚新道八十里

其餘九營在涑水南者屬之虞鄉從由孟明南入河

吳王渡在臨晉縣西三十里明初於堤築國朝維

正中分設虞鄉時戶部侍郎王某刑部侍郎韓光基
先後奉使至議於凍水河建閘備濬乾隆十年秋凍
水漲毀堤堰議求故道開而復之不果行十八年秋
霖雨漂瀑冬時尚漫河東道喬會解知州蒲知府勘
察形勢具修濬事宜以上乃命各有司與役安邑以
東解主之猗氏以西蒲主之凍水在蒲州始猗氏歷
臨晉永濟至河地一百里長一萬八千丈舉功於甲
子三月閱月而成其用民力唯引濬所及者使里出
之灌不及者使勿與永濟凡二萬一千六百夫臨晉
九萬六千六百九十夫猗氏七千五百六十夫各以
地之短長多少難易分任焉以上山川四條
桑泉故城在臨晉縣東北十五里春秋之桑泉地今
在東村南小蓋原是其處

臨晉縣志 雜記上 卷六 七

古瑕城後漢郡國志解有瑕城地道記左傳文公十
三年詹父處瑕杜征南注卯瑕古國也水經注凍水
又西南逕瑕城又西南逕張揚城括地志張揚城在
虞鄉西北四十里京相璠曰河東解縣西南五里有
故瑕城今臨晉西南三十里五姓湖者即古張揚城

庚以水經注京相璠言考之古取當即臨晉城外西南地

北解故城北魏太和十一年所置在臨晉縣東南二十里城即桑泉之故治自魏置北解至隋改桑泉即此故城而更名者明隆慶五年居民於城內掘地獲桑泉縣印一顆意是隋末縣令遺棄者可證北解桑泉古無二城也

臨晉志載古扁鵲樊太守霍榮祖墓通志載鄭司空農玄臨晉令孔信晉司空張平子皆無足取信樊太守

臨晉縣志

雜記上

卷六

舊考喻後名仇又名演為河東太守北解侯王恭先以演為唐人而非漢然唐因無河東太守北解之官與地也則辨之猶不能審至鄭立之不稱司農孔信之考非臨晉又晚然者以上古蹟四條

魏氏臨晉志男女直職士喜節義近多好訟婚姻論

財風俗

一條

唐志三十里為一驛取其速且易至亦以惜馬力焉後世制與唐異其驛有甚遠者其初設丞主驛事馬日食有數圍人飼秣有法皆為頒其制迨後丞與驛

卒視馬為利而弊滋甚及雍正初元丞多汰去往往
領以知縣而蒲州河東樊橋二驛當通途要衝道秦
蜀者必出焉其自秦蜀之燕者亦無不經也乾隆丁
卯戊辰之歲用兵金川大臣使命將弁吏卒及軍書
急符蠶午達夜不時止二驛始困矣其時以馬不足
調山西諸驛騎皆集於蒲是歲適大饑馬亦艱飽而
急馳至日或限六百里馮死者無算河樊二驛幾盡
馬官吏坐此交瘁至明年己巳班師又半歲餘乃復

兵衛
一條

臨晉縣志

雜記上

卷六

九

俞充字公達鄆縣人由進士治平中令虞鄉倜儻風
流雅嗜山水之勝暇日登王官謁表聖祠想像其為
人作王官十詠貽溪懷古十篇以見志

李復亨字仲脩河津人年十八舉進士調臨晉縣主
簿護送官馬入府宿逆旅有盜殺馬復亨曰不利而
殺之必有讐者盡索逆旅行人過客有邑人橐中盛
佩刀謂之曰刀蟻馬血火煨之則刀青其人款服果
有仇遷南和令累官叅知政事兼修國史終安國軍

節度使

晁會字公錫高平人歷臨晉虞鄉猗氏三縣令俱有
惠政累官興平軍節度副使詩號泣水集虞鄉縣齋
云宦况薄於重榨酒瓜期近似欲殘棋王官谷云烟
藏芳樹遠雲補斷山齋士人至今傳之

以上宦
續三條

楊常謙父病痺坐起皆常謙抱扶之十有六年未嘗
離父側也又有荆明謝譙李大有貢士楊若秉其孝
行亦類是而諸生王坦兄弟友愛合炊者亦數世焉

孝友
一條

生員王幕妻陳氏年十九夫亡遺子三策未期月家

臨晉縣志

雜記

卷六

十

貧不繼朝夕以死自誓王士熊妻許氏年十七夫

亡即自經姑覺解之泣慰曰尚有遺腹倘生男以繼

夫後何遽死耶數月墜子挺銓辛苦撫育克承父業

劉四維妻張氏家貧夫亡苦守撫子國興生孫業太

而子亡繼撫孫婚娶曾孫世勤而業太又亡劬勞

三世苦節七旬卒年九十有六李孟冬妻王氏百

有十歲孟冬之亡也氏年三十五秉志孀獨至八十

五年雍正時祀節孝祠張盛學妻樊氏幼寡值大

荒其叔欲使改適樊毀面剪髮叔不敢逼王宗陵

妻衛氏合昏夕宗陵已病篤未三月宗陵卒姑憐其少欲為改字氏斷髮示志孀居十四年卒 周英妻

荆氏十八而娶隣有少婦新寡再適富人者素識荆母徐謂

志後富家弟喪妻隣婦之適富人者素識荆母徐謂

母不若以荆與婚荆聞之即剪髮自誓竟不能奪值

歲荒拾野蕨以食處之自若也 許遷喬妻張氏張

鳳翔妻呂氏高標妻張氏荆世寵妻陳氏王康妻荆

氏張宜妻蔡氏明以上張我供妻王氏生員劉復元妻

杜氏生員荆澍妻趙氏樊懋爵妻趙氏生員荆璋妻

臨晉縣志

雜記上

卷六

十一

妻姚氏劉從寬妻姚氏舉人姚在朝妾焦氏生員衛

應光妻姚氏生員張良魁妻王氏張經典妻劉氏李

烜妻張氏生員孫鴻烈妻衛氏杜尚德妻張氏許朴

妻趙氏王愜妻張氏閩國法妻張氏荆山英妻王氏

生員謝紹燕妻薛氏謝顯相妻王氏郭百知妻呂氏

衛季妻郭氏生員曹元勛妻姚氏趙京妻段氏衛祚

妻王氏壽九王萬成妻李氏生員荆騰鶴妻趙氏孫

應端妻卹氏姚五英妻吳氏程秉讓妻衛氏李岑妻

王氏呂俊聲妻周氏生員張公祚妻姚氏監生王

繩妻謝氏溫所欽母陳氏趙質妻謝氏生員王載夏
妻李氏生員王旌任妻李氏儒童王追典妻鄭氏楊
大燭妻韓氏荆雲慶妻朱氏趙昕妻謝氏昕子踵普
妻謝氏生員王樞妻衛氏趙自新妻樊氏譚段氏黃
剛妻鄧氏姚格妻王氏王信妻郝氏馬有才妻衛氏
任廷琇妻王氏任天祥妻屈氏李夢唐妻趙氏母世
綿妻吳氏李暉妻呂氏樊純英妻王氏李漸妻荆
氏生員李沐妻荆氏吳方穀妻王氏荆毓光妻張氏
生員衛邦傑母杜氏荆中極妻賈氏生員李長年妻

臨晉縣志

雜記上

卷六

十一

姚氏任聖和妻楊氏任廷珩妻姚氏吳志高妻劉氏
樊爾士妻咎氏李爾欽妻衛氏許飛先妻郭氏楊寶
妻王氏李天造妻張氏常寧妻荆氏生員荆文欽妻
王氏謝梁氏荆迪妻朱氏樊文鏗妻母氏王植妻楊
氏李茂朴妻閔氏周文奇妻郭氏妾孫氏以上貞節

周明德河南南陽人乾隆初來遊河中其子遐齡連
為滎河臨晉永濟三邑宰明德皆至其地嘗微服問
行縣中求民疾苦歸即語其子使除去之有民利則

使興道之一寓賢

崇禎四年陝西賊趙四兒渡自禹門掠河津臨晉諸縣焚殺無算

崇禎十七年正月賊李自成至蒲州是月臨晉無籍者引運城防兵入縣南門大掠

順治六年賊首虞胤張五等倡亂連陷臨晉猗氏縣八月陝督孟喬芳提兵渡河賊領聞風逃遁並討斬之有屯軍衛某者列營於臨晉之令狐村獨堅不動喬芳以鐵騎蹂之八百人皆殲焉

雍正三年黃河清自孟門徑榮河臨晉永濟下至河

臨晉縣志

雜記上

卷六

十三

南府凡一月有奇五年歲稔六年稔七年臨晉卿雲

現九年麥大熟

以上事紀四條

剛襄垣王遜燁天順五年自代徙封於蒲後襄垣宗

人聽澆聰沈俊權俊杓俊襟充燁等皆嫻文章俊襟

宰着訥尤博雅不慕榮利於五姓湖築室卜居與詩

人隱畧日嘯咏其闔自號蘆花散人其詩名佩蘭集

嘗自記云地偏心遠軒榻皆幽烟波渺瀰沙鳥上下

秋則蘆花吹雪夏則蓮葉披雲把釣浮舟開窓待月

村樵漁子共話田園可以忘老豈直世榮之俱淡耶

臨晉謝孝廉玉樹久困場屋且將老自以數奇遂罷
去不入館舍者數年矣康熙辛卯其子肇獲雋玉樹
心動再理舊業次年為癸巳特設科果中試時已七
十矣

以上志
餘二條

節錄荆養喬舊志

桑落泉在城東北七里見蒲州志唐改桑泉縣因縣
有徒民劉姓者宿擅工釀泉畔多植桑秋深葉落水
清採挹釀酒香色異常

黃河在縣西三十里北至河津龍門南流滎河過本

臨晉縣志

雜記上

卷六

十四

縣入蒲州至潼關折而東流春秋僖公十三年冬晉
荐饑乞糶於秦秦於是輸粟於晉自雍及絳相繼命
之曰泛舟之役即此河也

五姓湖週圍四十里即涑水姚暹渠經流所鍾之地
舊說猗頓權解鹽之利欲以舟運掘渠達湖濬湖達
蒲至孟明橋則泥不能行遙年水滙西南地堪耕種
知縣史邦直以田賦既定議徵綱銀公用知縣王毓
陽徵收籽粒入倉備賑知縣趙岸奉例清丈立碑鐫
記起科定為上中下三等上地四升五合中地四升

下地三升知縣王化將新灘地奉牒立為學田勒碑
監儒學明倫堂右先是本學互相爭占多寡不一迄
今二十八年縣學照生均分始得其平然為蒲宦所
據者尤多焉以上山川三條

綏化故城在縣西南三十里五姓湖北即周宇文之

綏化也今猶以此名鄉古蹟一條

陳茂隋人官黃門侍郎轉益州南仲金人有將才累功封懷遠大將

軍佩金馮廷玉明人由都史歷任寧羗通判王銘正

虎符有信義持是非鄉賈蘭輸財好義喜怒不形有偷兒人服焉年八十終

臨晉縣志雜記上卷六一五

告我而若此竟以所偷予之李源澄幼孤事孀母盡孝撫弱弟友愛

甚篤鄉里高其行以上人物

生員王師德妻姚氏劉思先妻王氏以上貞烈

節錄王恭先舊志

史記魏世家文侯十六年伐秦築臨晉元里正義曰
在同州澄城縣界曹參傳云參以中尉從漢王出臨
晉關伍被傳淮南王曰先要成臯之口塞轅轅伊關
之道守武關然此北尚有臨晉關地里通釋云即蒲
津關在臨晉縣由諸說觀之史記所謂塞臨晉者塞

對河之臨晉關耳小司馬不諳地形乃曰臨晉縣名
在河東岸對舊關不知漢時河東止有解縣而無臨
晉此說一誤後人沿為口寔一統志於蒲州臨晉遂
曰秦逐高壘以臨晉國故名夫築壘臨晉其說本無
所出獨見於臣瓚之注漢書既引以寔馮翊不知諸
儒何見定欲牽扯入河東也即曰河曲可入王官可
俘而高壘何不可築但兩河東西未聞一時有兩臨
晉諺以傳謠明成化中建安馮智舒因之作質寔編
以註朱子綱目質而不寔貽悞尤甚予固不得不為
臨晉縣志

雜記上

卷六

十六

之辨

一統志非成書也同州之朝邑既曰漢為臨晉縣地
蒲州之臨晉又曰秦築高壘河東之漢既曰其泉有
五臨晉有一郃陽有四河西之漢又曰其泉有三一
在臨晉一在郃陽一在同州顛倒錯亂矛盾互攻一
邑如此其他可知明景泰中修寰宇通志事寔凡例
一準方輿勝覽前輩葉文莊云趙宋偏安之物未可
為法即其傳誤由來已久故曰盡信書不如無書

或問於予曰臨晉之名何居曰宋白固云天寶之

今名必有所據則應邵臨晉水之說未可厚非豈其
然歟第太原平陽之晉水既難遙臨而近處之涑川
又不稱晉即臣瓚所謂晉水在河東者亦不知其何
所指耳魏世家哀王十六年秦拔我蒲坂晉陽括地
志云晉陽故城今名晉城在蒲州虞鄉縣西三十五
里抑或以臨晉陽而名之歟

以上沿
華三條

齊以治曰妖祥莫著於修博而占星為隱如肯參之
為晉野此古分耳經星越二蕩五千四百餘年而差
一月紫宿距星漢洛下閩測三度唐一行宋皇祐元

臨晉縣志

雜記上

卷六

十七

豐昏一度崇寧半之元則止五分也今且入參宿二
十四分矣臨邑於三晉為地無多何居乎從井鬼之
次遙指末光而斤斤以求合哉

星野
一條

縣負蛾眉原而治發脉自曲沃之嶺口蜿蜒逶迤二
百餘里至是環抱如箕縣治與向堪輿家謂自孤峯
山起脈經縣治之右西負黃河其地雄壯而峙其人
多武好關經縣治之左循大小一嶺而南其地秀衍
而贏其人多文好詩書此其大較也元併虞鄉之地
條山湖水兼攝無遺議者謂玉柱標峰洞稱福地王

官飛布溪號禎陵一方形勝抑又其最焉元王思誠書臨晉廳事云條山河水壯封疆城外者原百里長蒲坂東來通猗頓桑泉南下接虞鄉唐家舊德推玄素漢世元勲憶霍光故國松楸今尚在穹碑高塚映殘陽可謂盡一邑之勝矣

齊以治曰山右氣聚河東臨晉又河東之氣所聚也西來諸水隨黃河而東條山逆鎖之東來諸水隨條山而西蛾眉右臂逆鎖之縣治負蛾眉面條山羣流環繞形勝之區也領城垣南高北下衙署宅低窪不

臨晉縣志

雜記上

卷六

十八

稱其位居民挑築取便日前致水法大壞如北來之水直瀉於城東西來之水反跳於城南其著者也學博石琨園與焦金沙劉上黨欲障北水之東瀉者復折而南予竊附諸公意商改圖劉石二公踴躍任事於是增北城而高之西來之水得由故道焉

以上形勝二條

明初兵荒之後民廢耕稼糧餉匱乏初命諸將分軍屯種於龍江等處自是立法漸密過於天下每軍種田五十畝為一分或有多寡不等者大率衛所軍士以三分守城七分屯種平陽衛設指揮一員統領左

右中前後五千戶所提督屯種屯田坐落諸州縣境
內臨晉值元末喪亂拋荒獨多故屯營視他州縣為
夥故老言軍丁多他省人徃徃懷故土當事於下屯
時立四六法用附近州縣軍六人監視遠來軍四人
防其竊逃舊制錢糧掌印指揮徵收 國朝裁指揮
昂除守備千總二員衛僅徵糧軍不編伍凡一應差
徃照地畝人丁與民畫一益昔為軍者今皆為民矣

屯營
一條

臨邑田賦雖蠲荒閒墾時有盈虛然未嘗溢原額也

臨晉縣志

雜記二

卷六

十九

自知縣孫宗元為考最計先報後丈宅址塚墓菴觀
寺院皆括以足數凡清出額外地叁百捌拾捌頃伍
拾肆畝有奇折色糧銀貳千陸百貳拾伍兩有奇

條

賦田

令狐城縣東十里令狐村即其地左傳文公七年晉
敗秦於令狐至於剗首駟曰令狐即猗氏剗首在
西三十里縣南對澤即猗頓所居括地志令狐城在
猗氏縣界十五里今猗氏城西亦有令狐村似當以
在猗者為正然觀左傳文義秦伯渡河圍令狐入秦

泉則先由令狐而後入桑泉又當以本縣者為正蹟

條一

明成化二十年大饑人相食次年六月始雨弘治十年大旱嘉靖七年大旱蝗嘉靖十一年大旱荐饑嘉靖十五年六月大水嘉靖十六年雨雹如雞卵周二十餘里嘉靖三十四年十二月十二日夜地震有聲如雷自西北來地裂井溢城郭廬舍盡傾壓死人畜無算嗣微震不止天寒民露處搶掠大起時流言拘刷童男女不越月民間嫁娶殆盡嘉靖三十五年六

臨晉縣志

雜記上

卷六

二十

月黑翳見時有黑氣其疾如風雖密室無不至至則人皆昏迷或手足面膚被傷即出黃水徧城驚擾亦卒無真跡說者謂地震壓死強魂理或然也隆慶四年夏大水自城以北波濤如雷宮民廬舍傾壞數百知縣史邦直請塞北門萬歷元年七月山水數丈自兩瀑而下漂溢王宮祠宇或見風雨之中二龍相戲萬歷八年九月初一日隕霜殺稼萬歷十五年蝗大饑至有棄嬰兒於野者朝廷賑之萬歷十六年瘟疫死者無筭至不相弔問夏麥雖登無人收獲饑民偶

或飽食死者復十之三四萬歷二十三年水旱並災
萬歷二十五年八月井沸池溢泛濫橫流幾數丈踰
時方止說者謂之水淫主多雨是秋果應萬歷三十
七年大旱饑萬歷四十一年旱災萬歷四十四年春
夏大旱蝗崇禎四年春正月日將入赤如血紅光射
地崇禎六年夏麥不登秋大旱崇禎七年饑民剝食
樹皮殆盡崇禎八年大疫狼羣行食人崇禎十一年
六月蝗崇禎十三年春不雨至於六月赤地如焚五
姓湖水涸秋無禾木皮草根剝掘死盡人相食僻巷

臨晉縣志

雜記上

卷六

五

無敢獨行者次年三月大疫夏麥熟人食之多病黃
腫死崇禎十五年六月初四日地震崇禎十六年十
二月流賊李自成襲陷蒲州百姓聞風逃竄知縣馬
魁選亦遁崇禎十七年正月十八日逆關至縣置偽
令柳化楠繫景鄉官子弟勒餉夾殺炮烙備極慘毒
六月初二日逆聞自京敗回復過縣西走仍將追餉
未完諸紳帶入長安十月我大清兵至偽令柳化
南携印西逃

國朝順治四年六月蝗康熙元年秋霖雨彌月城垣

廬舍十傾六七康熙十年夏大熱有暍死者康熙十一年蟲康熙十八年秋大雨霖二十餘日墻屋盡圮

康熙二十二年十月初五日地震

以上災祥

司空表聖山居記云會昌中毀佛宮因有王官廢壘王官谷始名司空氏易之為禎陵谿亦曰禎貽有亭三曰擬綸修史濯纓濯纓有一鳴憲堂曰三詔室曰九籥皓壁以模國朝人物存聳激耳 休休亭記云休休亭本濯纓也因焚於陝軍復葺之以已非救時用故曰休也又以耐辱自警因為耐辱居士歌

臨晉縣志

雜記二

卷六

三

元鄭嗣興咏臨晉云臨晉河東邑成周魏解梁綏化更他號桑泉復舊隍懸州居舜坂併縣得虞鄉地理時沿革山川勢渺茫黃流雄滾滾涑水遠湯湯嶧阜踰聞喜中條接太行二嶷爭嵒嵒五姓注滄浪碧漢源頭活蒼崖瀑布涼靈峯齊偃蹇天柱特昂藏形勝開千載輿圖壯一方城池殊屏蔽廨宇式軒昂製錦掀高榭鳴琴敞後堂街衢紛並出廬舍鬱相望官稅司交易兵巡職警防患民恒啟局育士總整庠養濟初分院存留小置倉神祇嚴廟宇郵驛達康莊官觀

起雲閣浮圖乞寶坊名村多取姓列肆悉通商戶數
編年定田疇出賦常往來逢執轍汎覽絕舟航土燥
惟憂旱人淳頗尚副編氓專稼穡庶士薄文章習藝
非工巧趨農雜女郎用財原儉嗇酌酒輒豪強幼穉
婚先聘期頤壽且康使令稀婢僕歌舞盛優娼築室
何須柱為門但穴墻編蘆施坐席壘炕作匡床鞋底
還成紙毛聯足裹糧冠巾且蒲笠貯物置荆筐雙衛
勞耕耒三犍慣服箱階除紛狗豕叮嚀踐牛羊播種
宜麻麥蒔秧乏稻粟販蔬盈市井劇藥入林柳藜棘

臨晉縣志

雜記上

卷六

三

叢籬畔檉槐陰路傍邊山多植柿近郭罕栽桑首宿
青供茹葡萄菽屢兼鼠肥偏喜食魚美鮮求嘗雞雁
采秋豬呼鶴向曉岡簷樓馴鴉鴿九轉智螭螂博物
知生庠觀風重品量洗薄由積習衰盛繫興亡賜地
功誇畢封君將數楊王官遺迹在扁鵲古塋荒玄素
崇資顯司空隱德昌石存猶指柳碑樹某追王張使
科名著陳侯政譽揚申生能盡孝麻氏尚沉芳表闕
姪崔婦名村億霍光佛僧形已化仙街道尤彰給飲
也亭廢屯軍堡府張斜途轉漢代故井識殷湯列冢

皆英官遺祠各禱禳記銘昭事寔詩律呈琳瑯

明史邦直鐘樓記云城中央舊有鐘樓宋政和間造
縣治有懸鼓與鐘應鐘樓卑因繼而增之邑城依峨
着坡水漲北入城壞廬舍余將城門存東西南塞其
北

王光宇重修儒學記云嘉靖乙卯冬地震學宮圮視
學者居席舍歲丁巳李邑侯重修之中先師殿翼兩
廡前為戟門又前為櫺星門又前為坊表東為啟聖
祠明倫堂在殿後翼以日新時習齋敬一亭賢良祠
臨晉縣志

雜記上

卷六

三

在櫺星門東西副宰牲所簠簋籩豆俱飭堂後為學
官宅

荊州土修城隍廟記云邑東北隅有城隍廟建於國
初萬歷己酉邑耆老謀新之至丁亥孟秋告成廊廡
未備也戊子李邑侯來邑人復請脩其制己丑春三
月肇始踰歲畢工凡廟內前殿左右廊各五間後寢
左右各三間狹神祠三間茶房過亭次第補葺規制

一新

荆養喬修尊經閣記云萬歷戊戌長麟高侯析置名

宣鄉賢祠移宰牲所於戟門外越四年壬寅葺大成
殿及兩廡遷明倫堂由故址而北距百尺基崇五尺
齋各五楹堂前為崇門后為號舍東西相向十八楹
復增屋南向皆講習地中壘土為台建尊經閣三楹
題曰魁星移啟聖祠於閣左造敬一亭於其後始壬
寅二月癸卯十月落成

石博改修東關水道記云臨晉繞城水道舊交注東
南後居民導引灌田遂斜飛而東不由故道予以俸
錢堤東南二處濬其交注故道大雨時行居人盜掘

臨晉縣志

雜記上

卷六

三五

提余命僕衣製立兩中守之得不潰

以上
藝文

文星臺在峨眉頂萬厯時縣令高惟崗築下建文昌

閣

建置
一條

元麻懷祖妻顏氏 國朝李榮春繼妻胡氏僉憲呂

雲藻繼妻楊氏生員王聘鰲繼妻韓氏胡勳妻周氏

王蕙芳妻王氏楊松林妻王氏申士珍妻王氏王錫

瑞妻陳氏

以上
貞節

郭為觀涑水攷云按桑欽水經云涑水出河東聞喜縣東山黍葭谷又西過周陽邑南又西南過其縣南又西南過安邑縣西又南過解縣東又西南注於張揚池酈元道注云涑水所出俗謂之華谷至周陽與洮水合涑水又西逕仲邨北又西逕桐鄉城北又西逕王官城北又西南過安邑縣西以上皆今夏縣境蓋古安邑即今夏縣禹王城故址漢晉以來無夏縣之名至隋始分置夏縣而移安邑於今治不然則

臨晉縣志

雜記下

卷七

一

注謂過安邑西者將直入鹽池乎涑水又西逕監鹽縣故城城南有鹽池水此則今安邑境而鹽池水即今北引之姚暹渠水也涑水又西逕猗氏縣故城北又西逕郃城此則今猗氏境蓋涑水自安邑北相鎮之西入邑境鳴條岡至此而伏故涑水自李漢郭村之間折而南順澗中郭村人嘗掘地見大石橋懼不敢發蓋其故道也又折而東南經張河孫塢等村其地今猶謂之張河灘又折而西南歷楚侯王鑑張萬諸村故跡宛然俗稱管溝即注所謂逕猗氏故城北

者也又西南經太侯上庄及縣之南扶等村境卽伯
故城在其北卽注所謂西逕郇城也自此而西經臨
晉入五姓湖皆古解縣境卽注所謂西逕解縣故城
南又西逕瑕城者也五姓湖卽經所謂張揚池也此
涑水故道也厥後司鹽者慮其浸浚鹽池引而之北
自北相鎮之西北開新道西行經三里高頭里原頭
水南香落等村西何家庄地名崔家灣者折而南
經祈村及臨晉之南村鄉頭等村合姚暹渠入五姓
湖雖世代莫考然故老相傳猶能道其疏鑿之概焉

臨晉縣志

雜記下

卷七

二

此涑水初改之道也至明弘治十六年巡鹽曾大有
復慮害鹽疏請西浚新道八十里自崔家灣引而西
經祁任智光等村歷臨晉境至蒲州孟明入河是為
涑水新道云

全錄

守道喬光烈涑水碑記云涑水發源絳縣經安邑猗
氏臨晉虞鄉永濟入五姓湖歸黃河凡四百里河道
淤滯以未涑漲不能達湖湖淺無以容涑以故虞鄉
永濟之邸家營榆林諸村時憂墊溺而姚暹渠亦慮
衝毀為鹽池患乾隆甲戌春予濬涑水距五姓湖自

二月至四月竣事因定厥章程礮石以記之自今以後安邑猗氏臨晉虞鄉永濟五縣涑水所經督民於農隙時歲加修濬孟明橋尤為涑湖入河之要津當無使有倒鑿之患若有盜穿堤岸衝毀姚暹者嚴為科罪爾鄉長其共凜之

縣尉宋培仁救災稟狀云敬稟者倉穀於某月日糶竣已經核算由印官申稟矣厥穀既完老幼食德之衆咸生常繼之想謂憲臺為君子糶誠救濟之良規也伏查臨邑秋禾就稿印旬日內時雨沛降亦歛收

臨晉縣志

雜記下

卷七

三

之歲矧雨降無期時疫又甚城鄉貧民無所聊賴糶粟各集初則增價繼則缺糶日不舉火者有之樹葉充飢者有之累其妻子遷徙者有之餓莩盈眸死亡相藉卑職忝膺憲臺好生為心愛民如子不得不據定叩稟臨稟不勝惶怖仰冀之至

謝陳常城隍廟碑記云康熙三十八年秋新廟成而落為禮也廟誰謂縣治東北隅顯佑伯之廟也廟由來久矣謂新廟何曰新之也曷言乎新之創始之謂新葺其舊之謂新也其言成何廟至此而成也至必

有自不及自何也曰據成功而言也問何自曰自癸酉蓋三十二年也自酉歷卯而廟始成難之也誰成之邑賢侯也賢侯謂誰大梁王明府也前此有邑侯陳矣又前此有邑侯潘矣獨歸王明府何也曰據成功而言也其功之成奈何曰水潰土裂甃毀木折葺葺之役於斯為極是肇於三十五年者也其前年則葺內外廊三十六楹而神像之丹堊因之也葺自後年者曰正殿曰享殿而樓之丹堊又因之也是謂之革其舊也其創始奈何每歲十月於廟為會例自葺

樓之明年始也其為會例何也集賓旅於內外廊而懋遷之通貨賄也內廊之南為福財二祠又列肆十二於外廊間何也以庇商也皆為會設也廟之東偏為堂三楹齋東西向楹數如之以祀故侯史高何也誌遺愛也誰作之邑侯潘也問何自自三十二年之癸酉是功之權輿也土木金石匠役為費幾何曰減之費計錢一百三十緡肆之費計錢一十八緡正殿減樓之半而差享殿減正殿之半而益麥石之一也外廊視樓費四之一內廊及福財祠視肆費倍焉

益以麥之石二十四之斗六之升八也穀之石九斗
四升五也史高祠準正殿而減三緡會例準享殿而
減八緡復益以麥之石七之斗二之升一也誰輸之
邑人也輸之奈何曰其為潘侯募者穀石一百六十
錢六十八緡而贏也罰鍰准白金一十八兩麥之石
六十有四而絀也穀之石十而絀者為陳侯輸也王
明府之蒞臨也輸麥七十八石有奇先是輸白金一
百三十九兩有奇通計得錢二百三十六緡有奇蓋
與所費者數相準也經理者誰鄉者一十二也是役

臨晉縣志

雜記下

卷七

五

也不可無記夫記者計也又言識也計歲月計工役
計出納之數與一時人之姓氏而勒諸石使人過而
識之將踵厥事皆有所考而因以白司會計者之無
私焉記之所為作也 魁星樓記云魁星樓邑乘無
所考修學碑記云萬歷三十一年建於北城巔今以
祀五帝非魁星也後因東南角改為之條廢康熙辛
巳仲冬王邑侯作樓於學宮之巽位甃磚為台縱橫
二十步架木為方圓重樓繚以雕垣貌魁星於其中

謝功肅脩北城水道記云縣治西來之水自西閣聖壽寺側而下繞城之右北來之水自文星台而下經卧牛堤折而繞城之左兩水夾流交注東南此古道也康熙中水法大壞石學博築堤障之雍正間大水堤毀蔣邑侯重加脩濬水得復循古道云

王第倫水道記云乾隆十四年坡水為患直衝北關周邑侯於北門外築護門堤且於城北齊家庄築堤開渠仍復繞城之左折而南流時西關居民欲於胡家庄西引水南行公以水法不合且於下游村庄有臨晉縣志

雜記下

卷七

六

碍事遂寢

楊無黨水利策云涑水經流於邑南接壤猗氏分水之例以望日為限望以前屬猗望以後屬臨前憲勒有成規令沿河居民當河築埒則猗不得盜賣於虞亦臨邑數十村之利也今則無水之利而受脩河之累已

李若拙論鄉賢名宦云名宦鄉賢祠所以崇先賢將來也是宜詳姓字行寔使後人指曰某若何宦某若何賢某若何忠與孝故不待教而興也今臨僅有

祠而已其幽可不聞哉 論婚嫁云婚姻論財非禮也詩書之家間有却聘金而不受者此外富豪者以為觀羨之具貧窮者以為肥家之資 國初時幣不過三四端銀不過三四兩其時風俗儉朴家給人足延及近世日事奢靡金帛鈔銀之數視往昔幾十倍焉在富豪者無論已中戶有因娶妻而破產廢業以從俗者貧窮之家有不能娶妻而為曠夫以沒世者夫男女居室人之大倫而其弊至此此其不便於俗為何如而人終不改也則亦習俗迫之也此非為上

臨晉縣志

雜記下

卷七

七

者力革其弊如鄭子產之令如蠶尾而不恤人言豈易言變通哉

李士瑾論節孝云孝豈易盡哉富者動以孝旌窮困者徃徃為其親備受苦楚生養不得淚繼以血親病瀕死求以身代或以無財而不能達名於長官者有之節婦在富家猶易而貧更難富易而多得名貧者身沒如太倉之失一粟名隨身去誰復過而問者可悼也

衛聖道論喪事云脫驂而賻哀有喪也今喪葬而慙

無貽賻而王人延客盛饌以須故貧者每避人渴孝
或遲久不敢舉是皆偽俗逆禮也

本邑藥材 地黃產懷慶者佳邑所出皮勝於肉不
堪入藥山藥產城南城子埒諸村可用也遠志生城
北巖着坡多且佳每歲藥商採取遠賀香附生五里
河灘遜靈寶所出小薊遍地生大薊涼水一帶生之
枸杞鮮時可觀乾則有皮無肉且味苦不堪用地皆
皮即枸杞根本地枸杞避甘州而根頗有力防風益
母白茅根生坡上如意草車前子生道旁王不留行
臨晉縣志

雜記下

卷七

八

生麥中酸棗仁生墳墓內牽牛金銀花種舍院無野
生兔絲子荒地內有之茵陳蒲公英遍地有之天冬
間有之槐是槐花艾葉紅花杏仁瞿麥甘遂柿乾皂
角子桑白皮小蘗香馬蘭子側柏葉石榴皮大麥草
浮小麥草蘆子菜菔子邑皆有之

乾隆癸巳歲脩郡學名臣督學時臨晉學亦近地着

垣以木搭柱于捐銀二千兩興生益徵二百兩傳生

德一 除自一兩至十數兩不等共得銀一

物君漢董其事副貢生王追湛庠生蔡重茂督其
里老韓延俊王宗才估其材頗無糜泐無浸漁邑之
人不以勞費為詬病也

邑有八蜡廟久頽予脩之廟後有礮盤居民因塲地
俱赴礮焉驟墻之居民有難色遂於廟後啟戶令礮
如故倘廟有損剝即令居民以時葺費亦無幾蓋廟
與民兩便也後之守土者如因葺廟為民累是予作
俑矣敢敬告焉

邑有南北壇址存而壇壞亦於癸巳夏修之

臨晉縣志

雜記下

卷七

九

臨晉說 愚按文獻通考云晉州古堯舜之都所謂
平陽也春秋時屬晉後魏為平陽郡燕置唐州後改
為晉州隋煬帝置臨汾郡唐為晉或為平陽屬河東
道則今之蒲州與古平陽相係屬者也平陽為晉則
蒲亦晉地臨晉之名其以此與又括地志云平陽河
水一名晉水而郃之西南亦有晉水王恭先云平陽
之晉水難以遙臨則從前蒲屬平陽又何以遙制歟
以臨晉州晉水為臨晉似亦可通且虞鄉西三十里
有晉陽故城則此地已明明在晉之陽矣何不可臨

之有必專指臨虞鄉晉城得毋隘乎

祈雨說 山右祈雨戒屠不能具牲醴故不祭降雨
祭之曰謝降謬也禮云祭有祈焉有報焉有由弭焉
祈祭之一也不祭何祈大雅云靡神不舉靡愛斯牲
圭璧既卒寧莫我聽夫何牲醴不可具舉乎予以為
祈雨之祭當依神之尊卑定祭品禮儀視其秩祀戒
屠本釋氏非禮經必降雨而祭要神也不敬孰甚或
曰牲醴具舉則葷酒亦弗禁乎曰不飲酒不如葷此
為主祭者言非為受祭者言也

臨晉縣志

雜記下

卷七

十

潘西村碑

潘西濱河戶五百賦如其戶數西辛村

巷異南北其南巷辛盛洪恩等庄皆自賦惟北巷百
餘口賦百餘金附潘西劉成堯北巷之黠者也以八
十戶為一庄名寥恩前令廖所命也潘西故有船差
協陝省歲出葦席以供驛與倉而船差為苦八十戶
者別為一庄賦皆自前不奔陝西役潘西人控於縣
以避差也諸戶不申潘西之借差乾沒而第以分庄
不供差為詞庄不得私立差不能私避予絀之控於

府又絀之委員讞又絀之案九三決矣有頃觀

公謂余曰案雖決如印泥畫沙否乎對不敢信及復
鞠之稽潘匹所簿供億費則乾沒不能悉數潘西有
渡口利北巷諸戶不得與而船差均之又河壩不徵
地千八十步水落則利潘西戶享之此北巷諸戶所
以不服也而控於縣控於上之詞皆略之故屢控屢
絀予為分其地與船之利北巷得六分之一差亦如
之遂帖然退而嘆曰甚哉民隱之難通也如攻堅如
治瘳如辨暗室色長吏絀之猶可言也自控而自絀
尚何言哉使不反覆其事害延矣故書以自戒兩造
臨晉縣志

雜記下

卷七

十一

頌碑之以息後之訟者

異姓為後 邑之無後者常舍其兄弟之子與其族
子而於外姓之親取之襁褓之中使冒己姓或收孤
稚流離之子衣之食之長而室之避義子之稱而曰
其子問義子所本生則亦佯謂不知噫是不知有其
祖而惟以偽也禮不可以偽為况父子哉然此村野
之俗非士大夫所有也

蔡春生事 蔡春生臨之武生也以賞授把總力不
能敵人好鬪狠智不能勝人好健訟邑人街之予括

案山積焉甚者誣兄為義子以賭盜金八百子俯
曰吾杖汝以服汝兄心汝悔吾宥汝春生狡悖逃
控府委員讞之以誣服罪例發烟瘴改近地陝甘頗
行涕泣曰悔無及矣予曰汝向何健也曰以前長官
慈小犯法不我治故予曰吾杖汝不受何也曰習慣
也且不知所誣之重且大也嗚呼春生可惡也亦可
憫也向使春生始惡時有懲者當不至此易曰擊蒙
不利為寇利禦寇擊之所以利之也又曰小懲而大
戒小人之福也懲之所以福之也為民父母無道德
之意而薄刑名惟以姑息避事民之陷於死地者多
矣獨春生也哉世之為春生者省哉

臨晉縣志

雜記下

卷七

十三

卹墓彙記 扁鵲墓在縣南六十里洗馬村樊太守

墓在縣西十里齊王村舊志云樊演唐人河霍榮祖

墓在縣東二十五里霍村殘碑云諱揚字榮晉司空

王卓墓在縣東南二十里城西村有唐王曇延墓在

縣北二十里舛子村臨汾公薛道實墓在縣北四十

里平宜村陳黃門茂墓在縣東北二十里小嶽山

長尚書墓在縣西北五里聖壽寺則舊志謂有銅

書曰桶取不
息土人瘞之
薛長府寶積墓在平宜村
道實司空

侍郎墓在王官谷孫都尉繼業墓在郭村張節度繼

祖墓在縣南三十里城子埧麻主事秉彛墓在閻村

有王庭筠麻革墓在吳閻村陳氏十墓在大嶷山
陳揮

碑文存陳灝陳克基陳仲謙陳賡陳
度陳膺陳廙陳元凱陳敬立申孝子墓在縣北三十

里丁庄村
號忠孝元謝將軍墓在縣東北三十里東

在村孫真人墓在南郭村樊孝子墓在縣東北六十

里董村明郭御史墓在縣東五里大陳村陳鄉賢墓

在縣西五里胡家庄王僉憲墓在縣西三里樊家庄

臨晉縣志
雜記下
卷七
十三

衛鄉賢墓在縣南五里馮家庄荆開府墓在縣南二

里李侍郎墓在縣西十里樊伯原姚副使墓在縣北

二里荆給諫墓在縣南十五里荆御史墓在縣西二

里胡家庄荆職方墓在縣東水頭村韓主事墓在開

張村王恭先墓在縣西北三里樊家庄謝陳常墓在

上豆氏村

方言彙記
父曰爹母曰娘妻曰媳婦子曰娃女婿

曰姐夫妻兄曰室兄普雨曰太天雨雨入土曰傷不

種穀只種麥謂之原地上地也地之硬堅者謂之白

地下地也已收麥又種穀謂之四查地中地也麥一行曰一條腿隴旁隙地曰歇樹地收禾一次曰一料分會錢曰劄會代人還會錢曰查還代人還錢曰查賠洞曰窟龍屏門曰閃閃辦曰角角子蹲曰跣蹶又曰猴下批頰曰打耳巴爭曰格氣罵人曰惡人害人曰咬人起手丈量曰插尺相隔數家曰望望鄰燒餅曰火燒面條曰旗子牛肉曰倒菜扁豆曰板豆土坯曰糊墻煤炭曰黑糟頭曰登腦不才子曰囊飽債又曰木骨蟲繼妻曰姚婆子繼子曰蠻圪塔水半熟曰臨晉縣志

雜記下

卷七

十四

沙温子羊凉曰烏塗子硯臺曰硯瓦筆曰生活口感曰毛連牲口曰頭戶跌門曰栽倒少曰爭些嚮讀學上聲

貢監彙記

賈即始於漢而未嘗無人焉如張釋之黃霸皆有名於後世然則士可以資格限哉臨之以賞筮任者如

明賈表宿州判官薛應珪鳳縣知縣王琳鞏昌府知事陳瑄商州吏目孟

舉岐山主簿王居正高淳主簿任辰睢水吏目李錫戶部檢校吳榮祖

主簿 衛邦慶陽王旻王府審理李鳳鳴鞏州吏目李廷祿容城知縣

承恩叙州焦天澤應天王拱樞藍田賈鶴齡秦州

柏武安賈嵩臨清賈培齡鴻臚寺馮時新都趙汝秀

鴻臚寺李汝祐兵馬寺賈允範苑馬寺李毓柱香河

國朝張王綱歸德李浙知縣凡二十七人其未仕者如明

主珪衛文陳奎孟鳳來宋時新吳文奎謝誥謝訓焦

維新王度樊津謝欽命李文炳荆成喬荆邦棟

國朝謝化魴趙俊哲李世振李世章張恂王一夔王一

俊許企進李世賢王之麟王廷瑜王元翼張鐸鄧奇

珍王孫芳王孫繩謝陞姚式名姚希孟侯公輔尚博

臨晉縣志 雜記下 卷七 十五

尚渭英魏琰王在洛王起元楊昭祖李瀚謝齊儼薛

世篤荆樹堦揚如周王明國侯維垣王殿珠贈登仕

王映斗樊大本王第倫陳應卜李光宗薛明傳一德

毛應兆賈文河王聖圖賈林杰自明約數

十人或及其身或於其子孫皆欲隸名邑乘議者曰

是固不可勝紀也予曰好名之心不責於三代以下

來者不拒姑存之而已

孝義彙記

予修邑乘邑人爭以孝義舉或子孫欲表其先或戚

友欲揚所厚有是行可紀者載列傳矣無寔行可紀而人口嘖嘖者未必其誑也因彙以記之如生員李林堂生員李樹棠生員許如梅樊之甫邵全章胡則九胡應臻胡臯吳家輝王志清周義尚周積萬籍登和孫如珖閔重興湯景福謝御球衛情張雲川杜明義范居恭王齊雍王子卿皆以孝義舉者也生員張藩旬生員李超廩生侯維城王世明荆安正謝敦禮樊林翰姚汝標張大臣田榆衛炫郭成藩王兆祉李克元衛立中楊教侯維堯李君佐皆以謹厚舉者

臨晉縣志

雜記下

卷七

十六

也夫抵或存或亡事例若一位以孝義謹厚概之夫生不立傳忘之例也予為村民敦迫重違其請參疑信而並記之願邑之學士大夫共相激厲於其人之亡者確訪實搜以脩將來之信史存者則願顯名而思卒是加勉幸勿使他日重修縣志則余之所厚望也夫

節婦彙記

原夫盛德之風不泯彤管之徽可珍故有含貞茹苦以代子職之供亦有逐命恤孤以教不二之節有名

門不柳之士嫻禮義以終年亦有窮簷無告之媛單
形影而冰筵斯固行路之所悼心大雅之所嘆服者
也緇細如簡何可缺焉茲如舉人李如白妻王氏湖

口知縣王焯繼妻張氏舉人王載妻謝氏貢生李翰

妻康氏李肇基妻董氏李光先妻荆氏張乾妻王氏

李育望妻焦氏王欽敬妻謝氏張樹檀妻尚氏武維

揚妻王氏揚大威妻呂氏張大喜妻呂氏焦士傑妻

張氏焦泮妻謝氏王迨喜妻趙氏姚廣義妻謝氏呂

天榮妻樊氏呂應光妻楊氏薛莫都妻姚氏許允文

臨晉縣志

雜記下

卷七

七

妻程氏周則堯妻王氏王為邦妻姚氏樊椿妻符氏

范自論妻王氏王作吉妻汪氏李毓秀妻荆氏謝興

止妻王氏謝呈錦妻衛氏吉劍基妻郭氏李君鑑妻

王氏王第森妻汪氏衛凌雲妻邵氏范文明妻衛氏

張思聰妻謝氏符自銘妻溫氏謝企聖妻姚氏張宏

道妻李氏李維良妻樊氏李天命妻吳氏王肅殿妻

李氏王肅鑿妻荆氏王肅言妻孟氏陳芳梅妻孫氏

梁居鸞妻王氏張有義妻劉氏吳太穩妻暢氏符

妻王氏符經常妻王氏薛叔妻暢氏范英成妻荆氏

工思恩妻侯氏陳世棟妻王氏陳義會妻李氏
非妻姚氏荆成檀妻張氏楊元運妻馬氏郭大威妻
孟氏許振宇妻李氏許大過妻王氏閻自正妻程氏
荆和喜妻姚氏樊育訓妻胡氏馬純禮妻楊氏秦立
森妻毛氏張登先妻賀氏徐州坤妻李氏陳灼妻賀
氏段大賓妻鍾氏荆造妻趙氏荆廣信妻王氏宗湛
升妻曹氏趙英傑妻陳氏許文翰妻張氏李枝妻謝
氏廉登鰲妻趙氏楊子仁妻郭氏謝毓嶸妻孟氏張
起安妻李氏王自奇妻胡氏生員李司鈞妻程氏郭

臨晉縣志

雜記下

卷七

六

希闕妻胡氏楊遙祐妻樊氏韓明標妻李氏同大用
妻張氏王克己妻黃氏房有琦妻楊氏梁有邦妻程
氏李光榮妻朱氏王士信妻武氏李吉妻陳氏溫程
妻胡氏段大璇妻文氏荆以正妻龔氏荆鵬惠妻楊
氏李增文妻毛氏李希舜妻楊氏溫三奇妻李氏衛
寶吉妻余氏李毓順妻呂氏荆瑀妻衛氏樊文逸妻
王氏許肇積妻吳氏楊雍坦妻邵氏王第慈妻李氏
張炳淵妻謝氏張孝先妻靳氏劉開基妻楊氏劉天
秀妻吳氏劉成龍妻吳氏王愷妻宋氏衛江妻王氏

張樹桐妻王氏焦克恭妻李氏姚自遠妻范氏姚植
武妻安氏梁廷茂妻王氏張振文妻宋氏張世明妻
吳氏劉則隆妻王氏劉子成妻樊氏樊君遴妻王氏
樊君河妻吳氏楊大成妻謝氏孫若名妻孟氏胡梅
妻暢氏張乾耀妻衛氏張有慶妻王氏張希載妻郭
氏姚遴輝妻張氏王養魁妻許氏閔繼憲妻黃氏張
亨妻呂氏衛敦莪妻程氏呂嚙妻謝氏貢生王爾杰
母張氏生負李毓秀母王氏劉天宗妻張氏王天喜
母謝氏王萬里母張氏薛維城母某氏文清宇母胡

臨晉縣志

雜記下

卷七

十九

氏孟貞灼繼妻孫氏孟尚器妻薛氏孟衍寬妻王氏
孟春雨妻王氏蔡文江妻樊氏蔡文河妻王氏張劍
繼妻荆氏郝方亮妻陳氏陳自巽妻許氏王肅雍妻
汪氏王麟瑞妻陳氏王華晉妻李氏孫玉公妻溫氏
王追儒妻李氏胡法興妻閔氏姚杓妻謝氏王昌泮
妻李氏謝興粟妻劉氏吳彥有妻王氏楊立江妻李
氏荆用賢妻樊氏李開妻王氏謝盛雲妻張氏謝子
穀妻費氏樊君迪妻杜氏樊世俊母王氏樊印彥母
吳氏王華檜妻呂氏馮思明妻王氏姚自然妻范氏

李河妻張氏暢允妻衛氏劉子威妻樊氏張官倉妻
王氏張德妻謝氏王天成妻胡氏樊奉勤妻樊氏孟
養氣妻宋氏楊魁妻劉氏常起元妻范氏周建極妻
郭氏楊哲妻衛氏胡五雲妻薛氏荆若春妻衛氏焦
保陞妻張氏王長學妻閔氏周世茂妻閔氏謝唐妻
吳氏余應奎妻李氏吳如江妻樊氏吳彥方妻宋氏
范天直妻李氏王加升妻楊氏張文貴妻黃氏張齊
文妻王氏趙自科妻暢氏荆宗周妻韓氏王有言妻
汪氏梁卜任妻王氏李玉義妻姚氏張景祿妻樊氏

臨晉縣志

雜記下

卷七

二十

楊崑妻姚氏王道賢妻汪氏荆本洙妻朱氏衛孔忠
妻張氏鍾景規妻段氏楊生瑞妻胡氏許文紹妻王
氏王之俊妻張氏衛萬選妻鍾氏李杰妻謝氏張若
旻妻吳氏王世系妻管氏陳世仁妻王氏曹起功妻
薛氏宋玠妻劉氏李居妻樊氏張公安母韓氏李常
妻閔氏樊第舉妻吳氏孟巡妻杜氏孟之璠妻張氏
孟二義妻王氏張二酉妻章氏王元淮妻樊氏張成
格妻劉氏衛成恭妻楊氏李奎第妻衛氏崔起隆妻
余氏衛溫賢妻王氏劉敬宗妻尹氏黃萬壽妻趙氏

王樓妻陳氏郭玉妻宋氏費永思妻閻氏姚震績妻
孫氏陳克平妻王氏姚振權妻李氏周自讓妻孟氏
谷濟文妻王氏孟可柱妻楊氏王子爵妻焦氏王興
壽妻暢氏王子宰妻姚氏王治妻張氏許法妻常氏
薛居安妻謝氏張億妻文氏脩錄之以待女史之採
擇焉楊常寅妻趙氏韓東璧妻賈氏皆以賢孝稱

臨晉縣志

雜記下

卷七

二十一



同脩縣志姓氏

監脩臨晉縣儒學教諭楊濬兩子督工臨晉縣角杯

巡檢常卜枚議叙臨晉縣典史韓士鳳議叙校正謝姓丑

進士天柱謝體觀甲辰副貢施王雲程庚寅舉人王追湛

縣知縣郭帶淮猗氏縣採訪李作霖壬午副貢林國棟戊子副貢

王闕生姚方楞生楊喬南生荆廷漢生郭靖生王存

第生荆麟兆生李士瑾生王克秩生李若拙生段金

堤生李凌滄生謝去波生薛承乾生薛天相生

李自牧生張曰珠生王熙績生衛聖道生楊無黨生

臨晉縣志

雜記下

卷七

二十一

蔡重茂生籍學用



臨晉志總目

廬江王正茂纂著

受業太谷杜昌炎

陽城李誥全訂

卷一

上篇

卷二

下篇

卷三

職官列傳

臨晉縣志

卷四

人物列傳

卷五

貞婦列傳

卷六

雜記上

卷七

雜記下

卷八

藝文

臨晉縣志



藝文叙

采王官圖集搜河汾諸書
此藝文選也凡藝文志如志
者法也法之使人知所之也
讀元素既以之凡氣讀汗野
記以之卷心誦介愍死節行

臨晉縣志

藝文

叙

略且嗟且叫忠孝之載發勃
往不能自己其他或有闕乎政
治或弓補於風化或有益於閭
學皆以備嘉言懿行富區之
竊取之義云爾若夫陰風奕
月刻翠雕弘鐘名公之鉅篇

枕淫畧焉如有以掛漏譯者
請他日為藝文選

臨晉縣志



藝文目次

廬江王正茂彙選

受業太谷杜昌炎

公訂

陽城李誥

諫脩洛陽宮乾陽殿疏

張元素

重脩儒學記

呂柟

遊王官谷記

呂柟

一門死節六命行略

成德

雙烈井碑記

石博

重脩司訓署記

石博

臨晉縣志

藝文目次

卷八

遊五姓湖記

牛運震

五姓湖記

周景柱

復凍姚二渠記

胡天游

介右人史畧記

王恭先

沁水贈別詩序

李世惠

附選

跋疆域篇後

謝體觀

重脩學宮記

李誥

諫修洛陽宮乾陽殿疏

張元素

臣惟秦始皇帝藉周之餘夷六國統壹尊將貽之萬世及子而亡者殫嗜奔欲以逆天害人也天下不可以力勝唯當務儉約薄賦歛以身先之乃能大安今東都未有幸期前事土木戚王出藩又當營構科調繁仍失疲人望一不可也陛下向平東都曾觀廣殿皆撤毀之天下翕然一口頌歌豈有初惡侈靡而後好雕麗哉二不可也陛下每言巡幸者不急之務徒爲虛費今國儲無兼年又興別都之役以產怨讟三

臨晉縣志

藝文

卷八

一

不可也百姓承亂離之後財賦殫空雖蒙更生意未完定柰何營未幸之都重耗其力四不可也漢祖將都洛陽婁敬一言即日西駕非不知地土中道里所均但形勝不及關內弗敢康也伏惟陛下化凋弊之俗爲日尚淺詎可東幸以搖人心五不可也臣嘗見隋家造殿伐木於豫章二千人挽一材以鐵爲轂行不數里轂輒壞別數百人齎轂自隨終日行不二十里一材之費已數十萬工揆其餘可知也昔阿房成秦人散章華就楚衆離乾陽畢功隋人解體今民力

未及隋口而役殘創之人釁亡國契臣忍陛下之過
甚於煬帝矣

臨晉縣志



卷八

慶陽丁君來宰臨晉政餘進諸生率勉淬勵以學宮
圯且隘恐不足作士氣迺謀寮案師生鄉士大夫改
作焉學後空地久棄坑塹囑教諭李孟賢訓導張珩
督平之遂移退省堂於此東西各增號房十五楹分
為五聯後官廨改退省堂址為明倫堂兩齋各增為
五楹益以簷廊碑亭二在明倫堂前改明倫堂址為
大成殿東西兩廡聖賢像移置重飾神厨在東廡北
倉庫在西廡北改大成殿址為戟門舊戟門址為櫺

臨晉縣志

藝文

卷八

三

星門外建坊二座儒學門三楹內禮門義路巡按萊
陽王公士英潛江初公啟昭相繼發贖金以助經始
於嘉靖癸未秋落成於乙酉春諸士子咸感德欲識
不忘乃問記於枬嗚呼士子之學與不學由上之人
振作何如也丁君徃年遣其子與邑之二三子從學
於予今有此舉其志當不小諸士子其無負乎哉吾
聞之君子有三患未之聞患弗能聞也既聞之患弗
能學也既學之患弗能行也君子有五恥居其位無
其言君子恥之有其言無其行君子恥之既得之而

又失之君子恥之地有餘而民不足君子恥之衆寡
均而倍焉君子恥之諸士子之為學也能奉此三患
存此五恥於以善俗於以康國以為士焉其丁君之
志乎苟徒借為出身之階假為媒祿之計行與言違
名與寔浮寧不有愧於斯建耶諸士子不見張元素
乎唐太宗治洛陽宮乃上書諫止魏徵歎其有回天
之力不見司空圖乎拜諫議大夫以不從僭逆高卧
王官時盜賊不入其谷茲二子皆邑人也其學術事
業可與日月爭光況東有傅巖西有伯夷北有王通
相去不過百里諸士子倘有采於斯言則茲學也當
與傅巖首陽龍門並鳴於世矣諸士子其無負乎哉

臨晉縣志

藝文

卷八

四

遊王官谷記

呂柟

王官谷唐司空表聖隱居之地前少叅許君德微所
重修今臨晉尹丁君仲本增飾之招道流以居守者
也往時諸友多言其勝涇野子至解之再月偕邱孟
學往遊焉馬至故市西折而南谷水北流入市間即
胎溪沿溪南行五里至谷口路多巉巖石礙馬丹柿
赤棘夾路掛裳衣躑躅至先門伏馬而過道流引登
高致門門下砌石百級夾扶之而後能上見危閣焉
道流曰上祠玉皇北過休休亭參拜表聖畢則日已

臨晉縣志

藝文

卷八

五

暮迺北過了了亭飯於聚僊堂飯已有候沂段綬兩
生讀書於白雲洞中白雲洞者元孤雲子李了了菴
所居以學休休者也臨石泉橋望天柱峰見羣山四
周孫子環拱而此峰孤高挿天與故市街所望益不
同蓋其峰南之崇山又遠也渡橋夜與孟學連榻於
石泉洞中洞在天柱峰根其前有清流自東瀑布泉
引來而西匯為小池欄干護焉寢洞談今古論經籍
久而後能寐晨興瞻翫表聖像飄然有出塵態讀休
休亭記迺知其抱經濟才與時不合而隱甚可痛惜

但末題耐辱居士則又病其隘也壁間多宋元人詩
皆有思致徘徊遲久道流引登西山觀秦王硯硯大
如碾盤無口下如尖底磴表聖山中記已有此名豈
秦敗晉師至王官時所遺者乎自硯旁不由故徑懸
下蒼崖觀數人石石在天柱中西北倚峰而立上有
圓石二枚恍若人面狀又似北望秦硯而欲濡毫者
也或曰在天柱峰東者為真云道流又欲西觀巖雲
洞北至蘆葦泉言洞常出雲而泉更甘冽為曹仙姑
地迺未往直趨掛鶴臺瀑布自天柱直下而臺在其

臨晉縣志

藝文

卷八

六

左旁鶴二月來五月生子去有懸草眠跡烏臺東同
孟學四人各據一石而坐北瞰天柱益窅兀有四瞻
雲日俱無影止有一峰高接天之句欲東升以觀東
瀑布道流難之又欲南進以睇黃河道流又難之迺
歎曰天下奇觀豈可盡哉遂北返坐聚仙堂而飯時
巳辰巳間飯已東遊豬耳山又東南至瀑布登懸崖
以觀之聲如雷轟貌如雪舞瞻眺更久迺下崖旁流
而行北至柿林臨流編坐巖上孟學坐一孤嶼有僧
在樹頭摘柿而落紅滿地吟興俱發恨葦硯少以一

幸蘇流中即礪石而膏之得二絕一律予得六絕而
生皆有一二絕僕人自故市沽酒者至道流菹以鮮
蕨秋英迺滌卮澗中而傳酌蓋不羨古流觴也遂北
至觀泉亭則東西瀑布合流之地而前御史安陽張
仲脩建斯亭以博養生之趣即表聖之濯纓亭地也
徙倚移時詩成而還問脩史覽照瑩心九籥擬綸諸
亭及一鳴牕道流皆曰亡之矣迺謂孟學曰柟嘗薄
唐詩人若表聖者豈可以詩人目柟舊過聞喜以塵
事問德微時已休矣今見其所舉予見笈於德微者

臨晉縣志

藝文

卷八

七

多哉遂歸息聚仙堂取宋御史壁間詩韵與孟學磨
和之而後寢又明日道流以予不至仙姑洞也昧爽
取蘆葦泉中水煮豆粥佐以山菽以餒予罕迺自石
泉洞南登路如蚯蚓柏檜交錯難進迺以手拊道流
背一皂又以繩引道流手而後上至秦無隅塔前北
望不見蛾眉坡是日微陰蓋予已出雲霧之上矣盤
曲再登至李孤雲塔孟學歎曰世之庶夫清士不用
於時避世而至此耶則豈非時輔之失哉予笈而未
諾又東繞而上至八仙洞洞已到天柱峯腰洞以

瞰迺謂孟學曰彼李孤雲者風斯下矣出洞欲直上天柱之頂以問所謂四時行百物生者更欲取開山斧以夷山中魑魅魍魎而後返道流皆謂路不可行止於衣帶脫然予努力勇往幾至其巔俯瞰八仙洞又渺乎其下當其飄然之意蓋又非此流所能與也又歎曰不知當時表聖之足履德微之攀緣曾至此否乎孟學曰可記之以誌表聖及德微萬歷三年秋九月二十日

臨晉縣志

藝文

卷八

八

先祖成公諱延年號玉山先外祖張公諱炳堯鹿崗
先嚴諱文桂字子英號仰玉原籍俱平陽霍州人也
德不肖生最晚宗祊之派莫知所出惟聞先嚴生前
數言先祖與先外祖居同巷讀書同學激昂伉爽不
肯向人作低回心悅之色又雅同志趣先外祖長先
祖數歲先祖以兄呼之先外祖年八十出遊密雲為
商不快去而明農迺寄藉於懷柔寅洞里東邵渠庄
會先祖以吏員選官先嚴年方十四携之入都先祖

臨晉縣志

藝文

卷八

九

知先外祖卜居邵渠單騎往會相見甚歡酒酣談欲
結姻外祖慨然許之既而曰莞莞一女不忍離家入
贅可也先祖亦慨然許之接先嚴至邵渠遂完婚年
餘生不肖德而先祖之官秦中先嚴復隨入秦無何
而先祖離任再歸邵渠年餘歿矣先嚴日為外家營
綜庶務形神備瘁暇則手王元美廿二史類編一冊於
石門大峪諸山朗誦高吟一日閱至秦檜害岳忠武
事倏而大發修而大罵耘田諸傭簇聚而問之則為
諸傭述其顛末歎罵如初諸傭亦無不哭且罵者乙

丑之交璫禍肆越逆相聞鳴泰建魏監祠於天仙山
縣令柳茂林以贊禮生強德德抗不為動先嚴密語
德曰兒不讀文文山正氣歌乎頭可斷祠不可拜也
厥後縣令聞之幾成大禍族舅張履禎乘隙健訟年
餘不歇數入都具告厥衛會熹宗皇帝崩乃免云德
於庚辛叨中兩試先嚴教之曰兒當學做人勿學做
官德任山東滋陽縣先嚴就養癸酉秋南場奸偽事
露主試者為丁進烏城私人也授意門生兗州府推
官鄭光昌誣繕一疏將加功於先師姚現聞而文先

生湛持孔先生玉橫皆與焉光昌出疏相商德勃然
曰此熹宗皇帝留佚之君子也大人將欲遺臭萬年
乎光昌唯唯僅出揭而已光昌考選有碍進訊其不
具疏之故而德禍從始矣甲戌夏御史嶧縣褚德培
給事沂州宋之晉為其同門王國賓討補太府缺即
將二處新餉二萬有奇洒派滋陽寧陽濟寧平陰等
七州縣德五具稟國賓再申文各院一移書褚宋以
去就爭之會屯院蕭公奕輔駐節寧陽諸生講哀公
問於有若一章聲淚憤集終有留忠良除孤獨語焉

蕭怪焉向守道湯道衡巡道冒公起宗訊之湯噤不
發聲冒公獨正色答曰諸生為滋陽伸正氣耳時王
國賓在坐幾無人色次日曲阜謁聖廟七處士民千
餘環德而拜去國賓僅數十步耳德固知禍不可解
回家以辭官稟先嚴先嚴教德曰兒兩舉差快父心
殺人婦人仁者不為況代奸臣殺善類代惡宦殺萬
民哉有榮有辱無榮無辱但兒告之父矣可不謀之
師友請之上官乎德遵父言商於先師姚現聞同年
馬君嘗辭官於直指王公邦柱者再王硬駁以安身

臨晉縣志

魏文

卷八

十一

無恙師友力勸以清議有歸後院禹好善先巡漕時
以薦烏程之弟育仁甚獲寵愛而總憲唐世濟本烏
程同邑至戚山東按差挨次應屬金公光辰乃易為
好善又王國賓同府人也入境特叅夫前院薦德在
十一月後院劾德在十一月且好善巡漕曾薦德在
十月一季之間貪廉易位薦在前劾在後竒矣况劾
之人又即薦之人乎則愈竒比德奉旨拿問前曾具
天變可畏一疏通政抑不與上而按察之逮者至矣
按察為碩元鏡布政為勞永嘉俱係烏城私人哀哉

德也素忌於溫史開釁於李王上籠以顧勞中間之
褚宗即錢鍊成身其能當八小人之磨牙淬劍乎德
赴部在乙亥四月十四日一家哭聲動地天日為昏
覓畜長往時或父子終日不食先嚴坦坦自如無幾
微見於顏面德申理前疏真情使老母入都寔先嚴
主之即德具辨疏者七次先嚴寓居順義草臺無不
見也德一杖於錦衣衛鄒大金吾薄責細訊杖罷涕
出再杖於西長安門外董昆則色色加功去死無多
三待杖於右府成安伯為右簽書恨德觀政時揭其

受人投獻奉旨罰俸且承烏程意送監蓋從無此例
也德出監在八月十五是日敵攻順義城破之前此
先嚴令僕輩預懸數十繩套於屋梁又潛掘一大窖
於屋下勢急矣德六妹季白跪告先嚴令匿入窖內
先嚴不從曰諸婦牽連在下我兒我兒老父豈以顛
沛違禮節哉未幾敵排門而入向先嚴索銀先嚴以
魯王歷賜銀盃三十餘箇付之不為止先嚴仰天大
罵以首觸之曰速殺我速殺我因遇害德六妹夜半

去始知死狀哭曰父死矣我何用生為德二妻

氏童氏又哭曰翁死矣我何用生為相繼自縊死德妻劉氏先勒幼女二小死旋自縊被惡婢捨兒者解救勸阻得不死德是月二十四日徒步入順義城夜下二鼓聞哭聲壯烈宛若先嚴三更方止幸老母入京看德第七妹並德一長女大小曾另避深山俱免難焉耳時烏程囑成安解後星火催迫一家六命僅以楊柳作棺浮寄家園不肖已為府差刻逼西邁矣後德妻畢竟以王國寶懸坐贓銀六千七百有奇義不受追呼縊死時當五月間傳聞尸香三日焉越二

年同門在京者王三山詹月如高鷺磯楊無山吳永調諸年兄僉同先師華公未齋之命醵資助塋姚師崑斗首捐十金而從不識面諸君子如黃公石齋李公括蒼馮公鄴仙王公介清周公仲馭曹公履垣靳公冽泉陳公幾亭咸來助之同年兄吳駿公楊機部王炳藜葛錦閻吳門姚世兄文初梁溪布衣黃公諱繼祖者又咸來助之約賻金一百九十有奇六樞始得歸土而不肖德罪惡通天未獲生代父命以死塋憑父樞而哭行且覲顏旅瑣食息歲月天地間有是

人是子乎日者聖鑒旁達原赦有路會當曲沃之行
夜宿楊生瑞瓜園伏枕摹文淚泫席上先嚴諸泛泛
小節槩不欲書止敬舉其大者惟德本不足探伏乞
當代儒宗鴻筆君子念裏事古處之誼憐先嚴殉難
之烈哀一家六命刀頭雖經總緣不肖不肯降首俯
從殺人婦人之事故傾陷至此或表傳誅輓垂賜片
言以昭不朽哀哉哀哉今而後知庶吏可為而不可
為貪吏不可為而可為優孟之言固當官之鑒也

雙烈井碑記

石 博

甲申之變姚門胡氏李氏死於井有司上其事撫軍表厥宅里名井雙烈胡廩生姚在陞妻李其媳也庠生翼宸妻余惟節烈之美非不脩乎德者所能出也方闖氛颶蕩深閨避影之人一旦塵奔露竄冀倖生全遭攫搏則弱質不復自主因之破腦剗腸投崖蹈火揆之旅舍引臂輒自斷腕之義目為不瞑矣而胡李度造次顛沛中必無自全之術姑語媳曰難將及與辱身無寧捐生不愧天壤也授乳婦以襁褓自溺

臨晉縣志

藝文

卷八

十五

於井媳趨繼之寇去家人終尸出面如生村男女皆羅拜嗚呼死得死所死且不死矣且夫兩烈婦殺身成仁舍生取義夫人而知之而先事見幾違衆不惑智之大者所出也夫人而知之乎視冥冥如歸棄呱呱不恤勇之大者所出也夫人而知之乎余故於其死不以慷慨引決盡之而曰非不脩乎德者所能出也抑釋名井清也泉之清潔者也字林井以不變更為義易曰改邑不改井烈婦何不可死而死於井回有所取義乎後之飲斯井者願井所由名無不思

其行義安在兩女子死事不與百世之澤同流芳不竭哉

臨晉縣志



藝文

卷八

十六

[Faint, mostly illegible vertical text columns, likely bleed-through from the reverse side of the page.]

重建司訓署記

石博

司訓缺裁署圯丁巳秋余初受是職僑居己未居停
復毀於雨邑宰為調匠役余捐俸庀材經始於庚申
秋落成於辛酉春舊堂址畸左徙而中處之視舊櫺
高數尺附以耳房古槐左右列啟門向衢無有隱蔽
門左右為小室居役取道堂西而入為北房五楹東
西南房各三楹鑿時習齋東壁安戶牖達明倫堂補
屋於北別為一院堂東為厨厨之南舊堂基也其外
廟寺巍峩古柳參差有園林之致負槐作亭蒔花竹

臨晉縣志

藝文

卷八

十七

其中東向牖牆遠攬益勝南則為廡為僕舍廡前有
隙地居民輸官私據余投價復之鑿井得泉滌圃作
場為穫稼灌蔬之所是後也基以甃甌壁以柱礎椽
必合覆為櫺為堅皆歷年久遠計或曰傳舍也以子
之絀於財曷為是舉余曰唯唯否否夫皇皇財利者
庶人之行也孜孜興事者君子之志也位卑才鈍不
獲宣猷奏績為君子沒齒聲豈碌碌俯仰惟利是
事以庶人自處哉且自余復是官俾是官永得所居
百世後得見余用心為以視世之登登馮馮輪焉為

馬僅肩輿秉燭一過或一二傳即子孫不能有得失
果安在哉

臨晉縣志

藝文

卷八

六



遊五姓湖記

牛道震

太守周侯濬湖之三年余與浙東胡稚威及周侯永濟萬泉二明府泛舟於湖是湖匯永臨虞三邑之交南浸中條北接桑泉東受姚暹渠鴨子池諸水西抵趙伊鎮輸於涑水周環六七十里五老諸峰倒影其中孤山峨嵒岡遠空涵翠復映帶之十月二日余與張畢二明府先後至湖已而周侯自虞鄉却來興迎胡君達湖上當是時漁人篙工及湖山農民百數十人咸艤舟以待明日登舟由南岸放乎中流綠嵐微

臨晉縣志

藝文

卷八

十一

暈紅林未脫風平煙淨湖光瀲灩白雲橫抹橋影參差已而扣舷載詠舉酒相屬高聲轉清極望曠渺樂可知已漁人農父有歌於舟中者錄卒按拍吹笛和之漁之桑流而施罟者罟聲與歌相答也周侯推酒饌以贖耕牧之民俯仰雲水四顧洲原為說鄉土山川風景之勝晴雨桑麻伏臘賓醕之樂移舟促棹酒酣耳熟雜引杯觴高索果栗若不知有太守者自慊聲林木交舞日暮影轉夷猶不厭夫守土不可

遊覽為事彼其部領文奏一日之翫則廢之矣

麻源山簡醉高陽池吾意其掾吏猶苦之為之民者
顧安所得共焉如使僕僕鑿山谷供帳具則民不利
有風雅之使君可知也至若逸人畸士徃徃幅巾竹
杖喜自放於山巔水湄之外一遇達官畫舸鼓吹則
有款乃一聲棹烟港荻浦而去耳夫又安從致之然
則周侯今日之遊其何以為此樂也昔湖當盛時環
陂皆樓閣臺館桃李霞綺酒旗歌管映映簇集湖之
於且涸者今百餘年周侯疏凍水併湖濬之今之清
臨晉縣志
藝文
卷八
三

波漾漾彌望浩淼者周侯力也淺有菰蒲深有葭葦
魚鰕之產歲千萬石湖之民攜而弋其利者倍禾菽
之入扶老艾抱孩穉熙熙於山色湖光之中者朝夕
徧焉乃今周侯得一遊遊而山農澤疇益得有其佳
然則湖自周侯始湖之佳矣夫周侯始雖謂周侯
蒲如斯遊可也

五姓湖記

周景柱

湖當臨虞間環迴數十里古所謂張揚池也五姓不知何以稱或曰昔湖有五姓漁者因以名余少讀漢書曹參韓信攻魏將孫林邀於東張未識其地後讀水經注始知為涑川所經因考地志湖接桑泉帶割首面中條空浮翠涵景象多有徃徃想見其處乾隆壬申自寧武移守蒲以事徃臨晉得至湖所湖人云前時環陂皆樓閣亭館雜樹桃李丹綺照耀酒帘歌箏遊者簇集波光渺瀰吞漾雲日烟艇徃來泛狎鷗

臨晉縣志

藝文

卷八

十一

鷺光景良勝今湖就涸者久佳賞麗矚曩昔殊異惜予不及見然漪吹練滌猶足悅心目曠志趣蓋山西諸郡多叢山廣原陂澤川池所在鮮少一日得此江鄉之思悠然自生至明年水之涸者復生又明年方有事涑姚之渠遂并湖澹之浩淼彌望浮碧無際湖中有堤橋影參差樹色映掩行人徃來儼若圖畫湖先多魚既涸故民失網罟利及是水日盈魚愈衆癸酉歲眾師棹入者舟數十比甲戌已百餘今年乙亥且二百蓋合臨虞永三邑之人皆徃焉四方諸郡或

先賦以金而後償魚計其利歲可數萬夫陂毀鴻卻
黃鵠託歌練湖既復懼傳丹陽蓋民之畏奪其資而
喜得其獲也左傳言衛文公元年三十乘季年乃三
百乘今湖魚之美有似於此予又以喜其利之無窮
若夫移畫舫泛清泠擎蒲荷之芬芳狎鳧鴈之翔泳
太守得以官政暇餘與邦人相狎其際猶未也

復凍姚二渠記

胡天游

蒲晉之坤河帶如玦川在州域北汾南凍凍自唐都督薛萬徹導水夏縣至臨晉西委張澤入於河解之平陸泉出橫嶺澗合溪赴會流以盛隋都水姚暹渠引焉至蒲虞鄉縣澤首受亦西入於河然暹所引本北魏時永豐渠舊而酈善長謂凍水西運郇瑕又西南逕張揚城屬於陂則非萬徹暹所始營唯二渠源濱山谷悍挾泥沙時時滯不循其理久益為變暹徹所以條其攸歸必使之復去害致利以予其民宜著

臨晉縣志

藝文

卷八

五

史書稱名勿絕渠自兩人後開塞幾變近廢不治瘡甚而張澤者即善長善凍所屬陂今以為湖變其名五姓湖故豬渠郵以輸河涸數十載鯁前時入河道九二渠積閼流當就湖者或不能至若夏秋會甚風淮雨噓漲鼓怒凍衝暹渠力併壯決敗解鹽池蕩廬稼撼郭邑因颺注湖莫有洩容游波蹕騰四鬲原陸蒲解之人用為困河東兵備道喬公粒蒲三年政理孔成邦俗大和前寧武太守周侯用循賢移知蒲府事相與謀吾民幸保生聚樂安業今數縣岷庶釋咨

畢恬猶若未者且解池繫國賦鉅唯水是病却蓄底
輯使無濫沈川瀆順性歲種時慶經務之要莫急且
先迺名父老告以渠河興罷孰利咸曰苟導復之利
世世於是計涑與暹渠左右夫家其田溉潤得及者
率戶役焉其非蒲所治而統於河東為解州以畀其
守其在蒲縣四曰猗氏臨晉虞鄉永濟周侯董其令
分主之以為禹治水施先下流湖渠同時迺畚鍤
迺䟽迺穿乾隆甲戌春正月水功是興逮四月成自
解安邑屬蒲永濟三百餘里循渠樹防翼翼傑傑式

臨晉縣志

藝文

卷八

十四

砥式過而邸家營者介虞鄉猗氏勢尤南庫異時涑
橫擣入里為巨浸狂溜勇洶地益底深岨高下絕懸
五六丈崩口不可塞合周侯謂此涑要害如軍陳攻
守必爭險勝出俸錢買其傍田盡土實之奪其凶門
卒杜服上為其堤崇築如仞厚固彌鞏責官吏以時
衛於是憤帖鬱宣潦縮其暴乎野者壤出其淪於墊
者昔若食得饘茲委壑如紡土燥厥穉復於田耕塗
惟里歌忘其恐懃方役之興公及周侯躬巡渠所勞
其人勿怠日夕既訖徧酒肉賚賜慰遣焉悅以先六

人道使衆君子於事有如此今夫去疾病而復於壯
者之為復國地失而復克取有之之謂復城郭道路
陂澤隄渠其既廢而治興為之謂復修其圯功攘其
患用其利猶起膏肓奮武烈均乎大庸予診斯謀美
河東公功太守侯之勞烈同德協慮康享民視暹萬
微所為猶有尚思揚其光嘉昭無休且告繼為政者
師循之亦克保莫以終永厥績毋墮



古史之體春秋而已自子長變編年為紀傳作者代起皆禘史記也第稱文繁學者難徧識温公通鑑出而全史并包編年之體亦復議者謂於春秋勸懲之法有未盡合者蔡陽踵其遺書更立義例綱舉目張經傳之骸備矣自是史鑑分途槩稽舊史者東萊詳節是也據撫綱鑑者鳳洲會纂是也乃若鎔鑄經史會歸綱目采擇博考覈詳則介子右人史畧一書深得温文二公心法右人家富遺書能力學窮考盡氣

臨晉縣志

藝文

卷八

三十六

志不少休是書首於帝王著統紀后妃諸王以次附分封侯國又次之僭國藩鎮篡賊叛逆莫不識其始末正以功罪至於漢壯繆侯之死也則書曰呂蒙入寇江陵守將關羽自攻樊還死之因事表心特異舊文則亦綱目特書之變例也夫代不能有治而無亂也統不能有正而無閏也世儒不察妄測天命以河汾之賢其作元經也曰春秋抗王以尊魯元經抗帝以尊中國斷南北之疑挈正統而歸於拓拔氏曰亂離廢矣吾誰適歸斯言諄矣且彼劉石苻姚何一非

居先王之國而子先王之民耶宋王欽若撰冊府元龜以宋魏書中索頭烏夸之號事涉不經請詔削去詎謂文中見出欽若下哉嗚呼天下之生久矣紫色龜聲餘分閏位天故生之以資聖主之驅除作者能究心於此即無統之國亦有樂歷篡賊叛逆亦有年號天道人事倚伏乘除莫不默應皇極之數蓋天不變道亦不變天即變道仍不變如斯而已然後知此書匪徒粹羣言以便誦也嚴理欲而昭勸戒大經大法存焉矣

泌水蓋泚水之訛云陳與宛不相蒙好事者往往辨之然附會已成攘奪之陋爰及形勝遂使居是邦者不得不篤信詩人於是樂飢之旨相奉為此中治譜矣僕既慵且拙器用不適於盤錯非借空山茂草之靈將有不可以慵不可以拙者雖欲策羸茹糲待罪於七年之久其可得乎然則泌水未嘗負僕僕寔負泌水矣倘以不温不飽之隙尋怨於荒殘亦將絃歌有知得以非夷非惠之身過督乎尸素竊念三河風

臨晉縣志

藝文

卷八

二十八

兩四野烟霞以僕雄長乎其間邀有歲月當其西臨上陌指顧隆中躬耕之廬若遠若近其南則盤山峩然淮水蔡水所從出也北眺仙陂煙水蒼茫召父之利賴猶有存者東歷沙河訪吳砦之舊址思雪夜之勛高慷慨奮往廳事西偏間嘗運甓誅茅闢有半畝之宮上棟下宇花明竹翠主人日高而起脫巾忘盥飽園中之杞菊聆樹上之禽言坐於斯眠於斯咏歌於斯種種領畧不減柴村清興長吏俗人徒虛語耳

古之出而仕於四方者每樂其風上而寄氏族長子

孫焉不僅卜桐鄉俎豆已也舊游眷戀夢魂以之人情不遠如是僕旦暮舍此而歸矣君子之於人也相別而贈以言山川草木物寔有情而臨岐默默忍乎哉故凡七年中耳之所聞目之所覩足跡之所涉懷想之所存各為刻畫以當扳條之義百首成數也卽有漏於百之外與冒於百之中者可與言而不言不可與言而言君其問諸簿書

臨邑之未分也東西廣五十里南北袤一百二十里
盖古子男之封也雖地當孔道輪蹄絡繹而候人之
需供給不匱則以膏腴之田多在邑南以兩邑而應
一驛宜其然矣自前宰劉君政令嚴酷赤子獸駭崔
符告警遂使繡衣持斧勦撫相機分縣之議於是而
定夫民之變也非地勢遠濶鞭長不及繇馭之不得
其道也聞劉君將陞廳事先飲醇酒數斗箠楚亂下
受杖者血汚淋漓街衢殷紅至鋌而走險受誅者七
臨晉縣志

藝文

卷八

三

八人而劉君亦為荒谷之莫救矣身亾邑感能不痛
恨於曩昔哉

廬江竹塢夫子蒞臨三年政舉倍成士懌民歡乃庀
學宮五旬而竣夫學以興教政之本也昌黎守潮增
朝夕租賦簿書期會之急語以興學育士不以為故
事則曰志未逮也嗚呼啜膏粱最藜藿固人情哉憶
夫子蒞陽城拔諸生尤者舍以高館訓以嚴師卷以
厚篋暇則進於廡陳說邑之利病繼以文事口授指
畫妙思逍遙益氣不瀉時既久出酒肴果栗相勞如
臨晉縣志

藝文

卷八

三十一

慈母哺子噉哺口不休士子忘其為長官長官亦自
忘也高讌轉清擊節未厭自暮達旦猶不欲歸學之
生徒有不獲侍坐者則以為悵或曰陽僻而簡夫子
得以暇接士而抑知不然昔陽明平宸濠左旄麾而
右饒鼓猶日與其徒講不輟臨當九達軍務方勞夫
子手一編得英才樂鄰邑人士皆奔走自奮扳援而
來吾夫子乃相與訂射飲論婚喪明祭祀訪農田水
利之脩當事或迂之而夫子曰政不廢學以益吾政

政凡有興草犁然人心學校之修其一也然而此其

本矣誥在陽得誨深今更從事於臨臨之人願與誥
誌之因誌學宮以誌夫子

臨晉縣志



三十一

